



Broj: 03-08-Dž.H.N.-11134-OP1/18
Sarajevo, 03.10.2019. godine

Na osnovu člana 22. Statuta Zavoda zdravstvenog osiguranja Kantona Sarajevo („Službene novine Kantona Sarajevo“, broj 4/00, 18/02, 30/08 i 1/12), člana 25., člana 69. stav 2) tačka d), člana 70. stav (1), (4) i (6) Zakona o javnim nabavkama („Službeni glasnik BiH“, broj 39/14), v.d. direktor Zavoda donosi sljedeću:

ODLUKU

o poništenju postupka javne nabavke
za nabavku opreme za video-nadzor i kontrolu radnog vremena
LOT 1 – softver za evidenciju radnog vremena, oprema i softver za kontrolu pristupa

I

Poništava se postupak javne nabavke putem otvorenog postupka za nabavku „opreme za video-nadzor i kontrolu radnog vremena za potrebe Zavoda“ – LOT 1 (softver za evidenciju radnog vremena, oprema i softver za kontrolu pristupa) za potrebe Zavoda zdravstvenog osiguranja Kantona Sarajevo, pokrenut na osnovu Odluke o pokretanju postupka javne nabavke broj: 03-08-Dž.H.N.-11134-POPP/18 od 22.11.2018. godine, jer nijedna od primljenih ponuda nije prihvatljiva na osnovu člana 69. stav 2) tačka d) Zakona o javnim nabavkama.

II

Ova odluka će se objaviti na web-stranici Ugovornog organa www.kzzosa.ba istovremeno sa upućivanjem ponuđačima koji su učestvovali u postupku javne nabavke shodno članu 70. stav (6) ZJN.

III

Ova odluka stupa na snagu danom donošenja. Stupanjem na snagu ove odluke, prethodna Odluka o izboru najpovoljnijeg ponuđača broj 03-08-Dž.H.N.-11134-OI1/18 od 25.07.2019. godine prestaje da važi.

OBR A Z L O Ž E N J E

Postupak javne nabavke putem otvorenog postupka za nabavku „opreme za video-nadzor i kontrolu radnog vremena za potrebe Zavoda“ sa 3 LOTa, pokrenut je Odlukom o pokretanju broj: 03-08-Dž.H.N.-11134-POPP/18 od 22.11.2018. godine sa procijenjenom vrijednosti u iznosu od 100.000,00 KM bez PDV-a za sva tri lota za period od jedne (1) godine. Ovaj LOT 1 je „softver za evidenciju radnog vremena, oprema i softver za kontrolu pristupa“ sa procijenjenom vrijednosti od 40.000,00 KM bez PDV-a.

Obavještenje o nabavci broj 814-1-1-71-3-66/18 je objavljeno na Portalu javnih nabavki dana 31.12.2018. godine i u „Službenom glasniku BiH“ broj 1/19 od 11.01.2019. godine.

Javno otvaranje je izvršeno dana 02.04.2019. godine. U skladu sa Zapisnikom o otvaranju ponuda od 02.04.2019. godine su za LOT 1 blagovremeno pristigle dvije ponude od ponuđača MIDDLE POINT ELECTRONICS d.o.o. Sarajevo i SYSTECH d.o.o. Sarajevo.

U ovom postupku za ovaj LOT je prethodno bila donesena Odluka o izboru najpovoljnijeg ponuđača broj 03-08-Dž.H.N.-11134-OI1/18 od 25.07.2019. godine. Nakon zaprimljene žalbe na ovu odluku, od strane SYSTECH d.o.o. Sarajevo, Ugovorni organ je donio Rješenje o usvajanju žalbe broj 03-12-Dž.H.N.-11134-RŽ1/18 od 21.08.2019. godine kojim je usvojio žalbu kao djelomično osnovanu. Ovim Rješenjem je Ugovorni organ vratio postupak na ponovno razmatranje tj. naloženo je Komisiji da ponovi pregled i evaluaciji pristiglih ponuda za LOT 1.

U skladu sa navedenim, Komisija je ponovila pregled i ocjenu ponuda te donijela Zapisnik o ponovljenom pregledu i ocjeni ponuda broj 03-08-Dž.H.N.-11134-ZOPE/18 od 02.10.2019. godine gdje je predložila poništenje postupka iz razloga što nijedna od pristiglih ponuda nije kvalificirana tj. potpuna u skladu sa zahtjevima iz Tenderske dokumentacije.

Ovim Zapisnikom o ponovljenom pregledu i ocjeni ponuda je konstatovano da obje pristigle ponude nisu prihvatljive i to kako slijedi:

Komisija je ponovljenom evaluacijom ponude ponuđača MIDDLE POINT ELECTRONICS d.o.o. Sarajevo utvrdila da ponuda nije kvalificirana jer dostavljeni katalog nije prihvatljiv s obzirom da dio ponuđenih roba ne ispunjava tražene tehničke karakteristike zahtijevane Tenderskom dokumentacijom, a za dio ponuđenih roba nisu navedene tehničke karakteristike pa nije moguće ustanoviti da li zadovoljavaju tehničke zahtjeve ovog tendera. Dodatno, dokument, potvrda o partnerskom statusu sa proizvođačem, koji je ponuđač MIDDLE POINT ELECTRONICS d.o.o. Sarajevo dostavio u cilju dokazivanja ispunjavanja zahtjeva iz tačke 3.1. pod n) je neprihvatljiv jer je na njemu naveden pogrešan naziv ponuđača, kao i Ugovornog organa. Na osnovu svega iznad navedenog, Komisija je u ponovljenom pregledu i ocjeni ponuda jednoglasno ocijenila ponudu ponuđača MIDDLE POINT ELECTRONICS d.o.o. Sarajevo kao neprihvatljivu tj. nekvalificiranu.

Komisija je ponovljenom evaluacijom ponude ponuđača SYSTECH d.o.o. Sarajevo utvrdila da ponuda nije kvalificirana jer dostavljeni katalog nije prihvatljiv s obzirom da dio ponuđenih roba ne ispunjava tražene tehničke karakteristike zahtijevane Tenderskom dokumentacijom, a za dio ponuđenih roba nisu navedene tehničke karakteristike pa nije moguće ustanoviti da li zadovoljavaju tehničke zahtjeve ovog tendera. Dodatno, dokaz referenc lista sa potvrdama o dobroj realizaciji ugovora nije prihvatljiva jer nijedan od navedenih ugovora nije prihvatljiv kao dokaz za ispunjavanje uslova iz tačke 3.1 pod o) Tenderske dokumentacije iz razloga što nijedan ugovor nema 30 ugradbenih tačaka. Dodatno, prvi ugovor na referent listi također ne ispunjava zahtjev da je ugovor realizovan na nivou firme sa minimalno 150 uposlenika. Konačno, ponuđač nije ispunio zahtjeve iz Tenderske dokumentacije navedene u tački 3.1. pod p) (dokaz ponuđača da zadovoljava navedene zahtjeve za angažiranim osobljem) tj. ponuđač SYSTECH d.o.o. Sarajevo je propustio da u svojoj ponudi dostavi sve potrebne dokaze tj. nije dostavio certifikat za obavljanje poslova tehničke zaštite (ili ekvivalent) za 3 tehnička lica angažovana na instalaciji i konfiguraciji opreme. Na osnovu svega navedenog, Komisija je jednoglasno ocijenila ponudu ponuđača SYSTECH d.o.o. Sarajevo kao neprihvatljivu tj. nekvalificiranu.

Shodno gore navedenom, a na osnovu člana 69. stav 2) tačka d) ZJN i Zapisnika o ponovljenom pregledu i ocjeni ponuda broj: 03-08-Dž.H.N.-11134-ZOPE/18 od 02.10.2019. godine, odlučeno je kao u tački I ove Odluke.

Sastavni dio ove Odluke čini Zapisnik o ponovljenom pregledu i ocjeni ponuda broj: 03-08-Dž.H.N.-11134-ZOPE/18 od 02.10.2019. godine.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.


Sakib Katana, dipl. oec.



Prilog: Zapisnik o ponovljenom pregledu i ocjeni ponuda broj: 03-08-Dž.H.N.-11134-ZRK2/18 od 21.08.2019. godine;

Objaviti na: na www.kzzosa.ba; Portal EJN; Službeni glasnik BiH; Baza javnih nabavki KS.

Dostaviti: v.d. direktoru ZZO KS; Ponuđačima (e-mail); Sektoru/službi-podnosiocu nabavnog zahtjeva (e-mail); Službi za nabavke; A/a; Komisiji (e-mail).